

Boux Yinzda Daibyauij Mbwk Seiq Bi Daiqlingx 50 Vunz Baenzfouq

女人大代表四年带领 50 人致富

Banh Mingzsiu dwg vunz Yungzsuij Myauzcuz Swciyen Swyungz Yangh Dunghdenz Cunh Mbanjyadunz, dwg boux Myauzcuz. 2010 nienz de gyahaeu Cungguk gungcanjdangj, 2011 nienz, de ndaej senj guh yienh yinzda daibyauij.

2009 nienz, Banh Mingzsiu baengh 6 duz gaeq hainduiz fazcanj hong dajciengx, seizneix, ndaw ciengzgaeq de gaenq miz 5000 lai duz gaeq lo. Bi gai gaeq souhaeu 10 fanh maenz.

2010 nienz, Banh Mingzsiu laebbaenz Fungva Ciengxgaeq Conhyez Hozcozse, sinhcingj cucwz aen sanghbyauh “gaeqvafung Mbanjmyauzcai”, doenggvaq mienxngaenz hawj gaeqlwg、sonyinx gisuz、bang gai gaeq daengj fuengsik daiqdoengh 50 boux mehmbwk Dungdouz、Anhdaiz、Anhcuiz sam aen yanghcin neix ciengx gaeq, seizneix, gyoengqde moix ranz bi gai gaeq souhaeu 3 fanh lai maenz.

(Liu Swjyenh sij/廖子渊 Cinz Yungj hoiz)



▲ Banh Mingzsiu youq ndaw ranzgaeq gip gyaeggaeq.



◀ Banh Mingzsiu gueng gaeq.

▲ Banh Mingzsiu hawj gyoengq ginzcong gangj ciengx gaeq cihsiz.

Denhdwngj:

Diuq “Foux Dwksangz” Swnjcienz Minzcuz Vwnzva

天等:跳“打榔舞” 传承民族文化



▲ Gyoengq vunzmbanj angq diuq “Foux Dwksangz”.

Geij ngoenz gonq, Denhdwngj Yen youq Denhdwngj Cin Mbanjdauyangh gawjbanh aen minzsuz hozdung diuq “foux dwksangz”, nauhyied dangq-maz.

Gaenhbi daeu, Denhdwngj Yen comz rengz bae guh aen vwnzva binjbaiz “foux dwksangz” neix, sawj aen foux ndawbiengz minzcuz neix daj neiyungz daengz hingzsi cungj ndaej daezsang, baenz le mbaw vwnzva mingzben gyaundeiz Gvangjsih

caeuq Denhdwngj Yen ndeu.

“Foux dwksangz” dwg Swcigih feihvuzciz vwnzva yizcanj, gaenq miz 1300 lai bi nanz lo. (Couh Vaz)

Cingsih:Yienh Fulenz Guh “Gvensim Mehmbwk Sim Raeujrub” Hozdung

靖西:妇联开展“关爱妇女 温暖同行”活动

3 nyied 4 hauh, Cingsih Yen Fulenz guh “Gvensim Mehmbwk Sim Raeujrub” hozdung, gyoengq ganbu bae daengz Gizyangz Cin Mbanjgizleiz hawj gyoengq mehmbwk gangj gij cihsiz mehmbwk veizhu gienzleih swheij caeuq cihsiz gengangh, caemhcai soengq ngaenz caeuq doxgaiq hawj 9 boux mehmbwk ndaw ranz gungzhoj haenx.

(Ouh Gizsinh)



Gunghcwngz:

“Canghfwen” Doiq Fwen Angq Raixcaix

恭城:“山歌王”对唱山歌

Sam bet cietmehmbwk gax-gonq, Gunghcwngz Yauzcuz Swciyen youq ndaw yienh Sihlingj Yangh gwnz Byadalingj gawjbanh Daih Cibngeih Gaiq Ciet Vadauz hozdung, gyoengq canghfwen daj gak dieg daeu, gizneix, eu fwen doiq fwen, angqhoh ngoenzciet. Gyoengq beixnuengx Yauzcuz lij ciengq go diuq foux Yauzcuz, yinx fanh lai ginzcong daeu, yawj.

(Liuz Gyaucingh Mung Vaz)



Gyauhgingj Mbwk Eu Fwen Senh-conz Hong Gyaudoeng Ancienz

女交警唱山歌宣传交通安全工作

Yizcough Si Gungh’ anhgiz Gyauhgingj Dadui boux senhconz minzgingj Liengz Hungzyenz, vihliux guh ndei hong senhconz gyaudoeng, dawz gyaudoeng ancienz cihsiz soengq daengz ranz ginzcong, sawj vunzlai rox daengz gyaudoeng ancienz cihsiz cungyau, de bae baiq canghfwen son de guh fwen eu fwen, de rox eu fwen le couh dawz gyaudoeng ancienz cihsiz bien baenz bonj sawfwen ndeu. Seizneix, Liengz Hungzyenz youq ndaw segih roxaeuz ndaw yienhciegz senhconz hozdung haenx, de cungj eu fwen daeu senhconz gyaudoeng ancienz cihsiz, ndaej daengz ginzcong haenhndei.

(Fungz Cozlinz)



▲ Liengz Hungzyenz caeuq canghfwen doxyaeng guhfwen.